

# ФАРГОНАДА ИККИНЧИ ЖАҲОН УРУШИ ФАХРИЙЛАРИГА ПРЕЗИДЕНТ СОВҒАЛАРИ ЕТКАЗИЛДИ

Президентимизнинг жорий йил 20 апрелдаги “Иккинчи жаҳон уруши қатнашчиларини рағбатлантириш түғрисида”ги фармони асосида Фарғона вилоятида ҳам Иккинчи жаҳон уруши қатнашчиларига пул мукофотлари, байрам совғалари топширилмоқда.

Вилоят ҳокими Хайрулло Бозоров, Шарқий ҳарбий округ қўшинлари кўмондони полковник Лутфулла Бузруков, вилоят Мудофаа ва Хавфсизлик тизимлари раҳбарлари, сенаторлар, вилоят секторлари раҳбарлари ва жамоатчилик вакиллари вилоятнинг қатор шаҳар ва туманларида бўлиб, уруш фахрийларини йўқлаб бордилар.

Дастлаб Қува туманидаги Қайирма қишлоғида яшовчи Эргаш ота Тошбоев хонадонига борилди. Ҳарбий оркестр ижросидаги тантанали куйлар, меҳмонларнинг очиқ чехра билан кириб келишлари отахон ва унинг оила аъзоларини севинтириди.

1942 йил май ойида урушга кетган ва Польша, Украина ва Белоруссияда жанг қилган Эргаш ота кейинчалик савдо соҳасида фаолият олиб борган. 8 нафар фарзандни тарбиялаб, уйли-жойли қилди. Бугун эса невара-ю эваралар бағрида умргузаронлик қилмоқда.

Президент табригини эшитган ва эсдалик совғаларини олган отахоннинг бир қувончи ўн ҳиссага ортди. Унга 12 миллион сўм пул мукофоти ҳам топширилди.

Қувончли кун тантаналари Эргаш отанинг тенгдоши қувалик Мўмин ота Тошматов хонадонида ҳам давом этди. Президент табриги, пул мукофоти ва эсдалик совғаларини топшириш отахоннинг туғилган кунига тўғри келди. 1925 йил 5 майда туғилган Мўмин ота 1942 йилда Қува туманидан урушга кетиб, қонли жангларда қатнашади. Тинчлик йўлидаги хизматлари сабаб унга 1994 йил 6 майда давлатимизнинг юксак мукофотларидан бири – “Жасорат” медали ҳам берилган.

- Биз доимо эътибор ва эъзоздамиз. Бундан жуда хурсандмиз. Давлатимизга, Президентимизга ўз миннатдорчилигимизни билдирамиз, - деди Мўмин ота Тошматов.

Тошлоқ туманидаги “Қумқишлоқ” маҳалла фуқаролар йиғинида яшовчи Рустам ота Акбаров ҳам бугун туман аҳлиниң фахрига айланган. Бугун 95 ёшга тўлган отахон эндиғина 18 ёшга тўлганда урушга кетгани, кўрган кулфат ва мусибатлари ҳақида тез-тез ҳикоя қилиб беради. Дориломон кунларда, фароғатда ҳаёт кечираётган Рустам ота, тинчлик деган улуғ неъматнинг қадрига етмоқликини қайта-қайта таъкидлайди. Ўғил-қизларни тинч замонларда ўқиб ўрганишга, меҳнат қилишга ундейди. 5 ўғил, 4 қизни камол топтирган. 70 невара, 60 чевара, 30 нафардан ортиқ эваралар ардоғида, халқимиз эъзоз-у хурматида.

Марғилонлик Акрамжон ота Ҳакимов ҳам бошқа тенгдошлари қатори иккинчи жаҳон уруши йилларида Курск, Одесса жангларида қатнашади. У Берлингача бўлган урушларда иштирок этиб, кўкси тўла орден билан қайтади. Бироқ, урушнинг азоб-уқубатлари бир умр унинг ёдида муҳрланиб қолади ва бу ҳақида гапириб, ёшларни тинчликка, шукроналик билан яшашга ундаш отахоннинг ҳаёт мазмунига айланган.

“Биз кўрган кунларни, урушни ҳеч ким кўрмасин. Қанчадан-қанча ватандошларимиз қайтмаган жанглардан. Юртимиз ҳамиша тинч, халқимиз омон бўлсин. Бизни эъзозлаётган Давлатимиз раҳбарига минг раҳмат”, - дейишди иккинчи жаҳон уруши қатнашчилари.

Тантанали тадбирлар давомида уларга ҳам вилоят раҳбари томонидан Президент табриги ўқиб эшиттирилиб, байрам совғалари топширилди.

Олтиариқ тумани Оқбўйра қишлоғида яшовчи 96 ёшли Тўланбой ота Шокиров ҳам меҳмонларни кўриб қувонди. Сал кам бир аср билан юзлашган отахон ҳазил-мутойibalар қилиб, қўшиқ айтиб, барчанинг юзига табассум улашди. Тинчлик даврида ички ишлар тизимида самарали меҳнат қилган фахрий отахонга Ички ишлар вазирлигининг алоҳида пул мукофоти ҳам берилди.

1 / 2

Фарғона шаҳрида яшовчи иккинчи жаҳон уруши иштирокчилари Татяна Усмонова ҳамда Қурбон Сатторовлар билан ҳам дилдан сухбатлашилди. Улар эътибордан мамнун эканликларини айтиб ўтдилар.

---

Шу куни Фарғона туманида яшовчи 1926 йилда туғилган Ориф ота Мўминов ҳолидан ҳам хабар олиниб, иккинчи жаҳон урушида қозонилган Ғалабанинг 76 йиллиги билан муборакбод этилди. Президент табриги ва эсдалик совғалари фахрийларга кўрсатилаётган иззат-икромнинг ёрқин ифодаси бўлди.

[Бизни ижтимоий тармоқларда кузатинг Facebook](#),

2021-05-06 16:51:11